

玉楸藥解八卷

黃氏醫書八種



玉
楸
藥
解



光緒三十年上海圖書
集成



玉楸藥解自敘

昔神農解藥黃帝傳醫仲景先生繼農黃立法聖作明述於是焉備癸酉春仲旣解長沙藥性而仲景求用之藥散在後世本草數百千載狂生下士昧味用之以毒兆民黃農已往仲景云徂後之作者誰復知醫解藥諸家本草率皆孟浪之談明時李時珍修綱目博引庸工訛謬之論雜以小說裨官仙經梵志荒唐無稽背馳聖明作述之義幾千里矣玉楸子悲憶昔人愴念來者甲戌三月成傷寒說意五月成素靈微蘊六月復作玉楸藥解八月癸丑告成此愚書之第八部也蕭蕭古寺落落荒齋感歲月之已晚傷春秋之欲暮當伯玉知非之時值孔子學易之候事與之判年與之齊慨世短而心長念身微而愁劇雖然子長作史子雲草元固當牢騷於創始之日亦必愉快於勒成之時者志勵丁年書竣蒼首十仞作井一簣成山此亦煙嵐著書之士最爲破涕而笑者也嗚呼有一代之功業有千秋之勳猷任兼將相望重國家宣沙漠之雄威馳丹青之良譽榮則榮矣無何而古墓爲田松柏成薪豐碑已斷綠字無存傳觀故老不能考其姓名遠綜先典莫或搜其軼事念滄桑之更變歎陵谷之遷移其間宏才遠略豐功偉烈生而光顯沒而泯滅者不知幾何三不朽事業殊不在是與其收功臣之帶礪享良相之茅土不如永日嘯歌逍遙於黃葉青山下也

甲戌八月甲寅昌邑黃元御撰

玉楸藥解目錄

卷一

蒼朮

白朮已見長沙藥解此處互見

黃精

益智仁

草薺蔻

縮砂仁

補骨脂

肉苳蔻

胡蘆巴

白苳蔻

紅苳蔻

大茴香

香附

萆撥

藿香

香薷

萆撥茄

使君子

威靈仙

白附子

慈菰

牽牛子

何首烏

肉蓯蓉

鎖陽

丹參

澤蘭

益母草

劉寄奴

延胡索

胭脂

蘭茹

薑黃

地榆

三七

蒲黃

續斷

大薊

茜草

紫草

三稜

莪朮

鈎藤

蒼耳子

稀莨草

羌活

天麻

荊芥

秦芩

菊花

青箱子

穀精草

木賊草

沙參

茅根

蘆根

前胡

百部

白蘚皮

牛蒡子

山苳根

金銀花

馬兜鈴

紫蘇

白芨

南星

常山

蓖麻子

石斛

浮萍

薄荷

礞石

白芷

貫仲

馬蘭

土茯苓

燈心草

木通

蕭薈

海帶

昆布

地膚子

萆薢

牛膝

旱蓮草

天雄

仙茅

仙靈脾

巴戟天

、蒺藜

兔絲子

覆盆子

狗脊

猴薑

遠志

菖蒲



地丁 漏蘆 海金沙 千金子

卷二

降香 丁香 木香 檀香 烏藥 檳榔

大腹子 阿魏 蘇木 血竭 乳香 沒藥

棕櫚毛 燕黃 蘆薈 肉桂 杜仲 五加皮

蔓荊子 密蒙花 大楓子 槐角 棟子 竹瀝

荆瀝 榆白皮 木芙蓉 金櫻子 辛黃 蘇合香

安息香 龍腦 冰片 麝仁 琥珀 淡竹葉

沒石子 桑椹 女貞子 楮實子 枸杞子 桑寄生

雷丸 天竺黃 栝子仁 松子仁

卷三

石鍾乳 硫黃 礞砂 金屑 砒霜 花乳石

蜜陀僧 空青 層青 石青 石綠 青礬石

浮海石 鐵繡 銅青 石灰 綠礬 蓬砂

膽礬 爐甘石 珊瑚 瑪瑙 石燕 石蟹

石蠶 石熬 陽起石 吸鐵石 自然銅 無名異

鐵落 針砂 水銀 輕粉 元明粉 百草霜

卷四



南京中医药大学图书馆版权所有

龍眼 荔枝 甘蔗 甜瓜 蓮子 胡桃

山查 栗子 橡子 葶薺 西瓜 蒲桃

黃橘 青梨 柿霜 枇杷 楊梅 橄欖

林擒 金棗 銀杏 芡實 石榴皮 木瓜

棠梨 香櫞 香橙 芝蔴 白扁豆 瓠蘆

冬瓜 白芥子 萊菔子 韭子

卷五

牛肉 馬肉 山羊血 犀角 羚羊角 白狗膽

獾肝 五靈脂 夜明砂即蛇胆 月明砂 雞內金 鷹屎白

鹿茸 鹿角膠 雀卵 虎骨 象皮 熊膽

鼠膽 燕子窠

卷六

胆腦脂即海狗油 海馬 龜板 桑螵蛸 綠蟬蛻 桑蟲

蝸牛 蚯蚓土 原蠶蛾 螻蛄 螺螄 黃蠟

白蠟 珍珠 石決明 蟬蛻 蛇蛻 蛤蚧

蜥蜴 蟾酥 五倍子 蛤粉 全蝎 僵蠶

白花蛇 烏梢蛇 斑蝥 蜈蚣 青魚膽 烏賊魚

鱖甲 鯉魚 鯽魚



南京中医药大学图书馆藏

卷七

胎衣

人中白

人中黃

乳汁

卷八

紫梢花

玉簪根

鳳仙子

錦地羅

墓田回

莧實

經水

雞冠

粟殼

鴉片煙



南京中医药大学图书馆版权所有

韋部

蒼朮 味甘微辛入足太陰脾足陽明胃經燥土利水泄飲消痰行瘀開鬱去滿化癖除癥理胃吞酸去腐辟山川瘴癘起筋骨之痠軟回澁溺之混濁白朮守而不走蒼朮走而不守故白朮善補蒼朮善行其消食納穀止嘔住泄亦同白朮而泄水開鬱蒼朮獨長蓋木爲青龍因己土而變色金爲白虎緣戊土而化形白朮入胃其性靜專故長於守蒼朮入脾其性動蕩故長於行入胃則兼辛金而降濁入脾則並走之木而達鬱白朮之止渴而生津者土燥而金清也蒼朮之除酸而去腐者土燥而木榮也白朮偏入戊土則納粟之功多蒼朮偏入己土則消穀之力旺己土健則清升而濁降戊土健則濁降而清亦升然自此而達彼者兼及之力也後彼而先此者並效之力也若是脾胃雙醫則宜蒼朮白朮並用茅山者佳製同白朮新製雙法列左選於茅二朮堅實肥鮮者各一觔別器泔浸換水令潤透去皮切片曬用黃耆沙參生薑半夏各八兩煎濃汁浸白朮大棗桂圓沙仁各八兩煎濃汁浸蒼朮各用磁盤隔布鋪蓋濕米砂鍋蒸透曬乾再浸再蒸汁盡而止量加煖水溫中之品合並久餌實能延年却老戊土轉運水火交濟環鉛聚汞之理醫家不解妄以滋陰之藥促命天年甚可畏也或以黃土炒白朮芝麻炒蒼朮均妄作

黃精 味甘入足太陰脾足陽明胃經補胃脾之精潤心肺之燥黃精滋潤淳濃善補脾精不生胃氣未能益燥但可助濕上動胃逆濁氣充塞故多服頭痛濕旺者不宜本草輕身延年之論未可信也 砂鍋蒸曬用鈎吻卽野葛形似黃精殺人

益智仁 味辛氣溫入足太陰脾足陽明胃經和中調氣燥濕溫寒遺精與淋濁俱治吐血與崩漏兼醫凡

男遺精淋濁女帶下崩漏皆水寒土濕肝脾鬱陷之故總之木鬱亦生下熱而熱究不在脾胃庸工謂其相火之旺胡說極矣其肺胃上逆則病吐血往往紫黑成盤終殞性命

益智仁燥濕溫寒運行鬱結戊土旋轉金水升降故治諸症然非泄水補火培土養中之藥未能獨奏奇功
去殼炒研消食最良

草薢 味辛氣溫入足太陰脾足陽明胃經燥濕調中運行鬱濁善磨飲食能驅痰飲治胃口呆滯作痛療腹中腐敗成積泄穢吞酸俱效鬱烟瘴雨省醫瘡瘡堪療霍亂可愈反胃噎膈之佳藥嘔吐泄利之良品化魚肉停留斷赤白帶下

草薢調和脾胃溫燥寒濕運行鬱濁推宕陳宿亦與砂仁相仿而性氣頗烈內鬱稍重者宜之麴包裏煨研去皮

縮砂仁 味辛氣香入足太陰脾足陽明胃經和中調氣行鬱消渴降胃陰而下食達脾陽而化穀嘔吐與泄利皆良咳嗽共痰飲俱妙善療噎膈能安胎妊調上焦之腐酸利下氣之穢濁除咽喉口齒之熱化銅鐵骨刺之硬清升濁降全賴中氣中氣非旺則樞軸不轉脾陷胃逆凡水脹腫滿痰飲咳嗽噎膈泄利霍亂轉筋胎墜肛脫穀宿水停泄穢吞酸諸證皆升降反常清陷濁逆故也泄之則益損其虛補之則愈增其滿清之則滋其下寒溫之則生其上熱其中氣堙鬱清濁易位水木下陷不受宣泄火金上逆不受溫補也惟以養中之味而加和中之品調其滯氣使樞軸迴旋運動則升降復職清濁得位然後於補中扶土之內溫升其肝脾清降其肺胃無有憂矣和中之品莫如砂仁冲和條達不傷正氣調理脾胃之上品也
去殼炒研湯冲服則氣足

補骨脂 味辛苦氣溫入足太陰脾足少陰腎手陽明大腸經溫脾煖腎消水化食治膝冷腰痛癆腸滑腎

泄能安胎壓善止遺精收小兒遺溺與丈夫痿陽除陰囊之濕愈關節之涼陽衰土濕之家中氣壅鬱升
降失位火金上逆水木下陷夜而陰旺濕增心腎愈格子半陽生之際木氣萌生不得上達溫氣下鬱遂
興陽而夢泄此宜燥土泄濕升脾降胃交金木而濟水火道家媒合嬰兒姪女首重黃婆元理妙醫工
不解也 補骨脂溫煖水土消化飲食升達肝脾收斂滑泄遺精帶下溺多便滑諸症甚有功效方書稱
其延年益壽雖未必信然亦佳品也鹽酒拌炒用 同青鹽乳香擦日久牙痛
肉荳蔻 味辛溫氣香入足太陰脾足陽明胃經溫中燥土消穀進食善止嘔吐最收泄利治寒食腹痛癢
赤白痢疾化痰水停留磨飲食陳宿

肉荳蔻調和脾胃升降清濁消納水穀分理便溺至爲妙品而氣香燥善行宿滯其質收斂搗固大腸消
食止泄此爲第一麵包煨研去油湯沖肉蔻辛香頗動惡心服之欲吐宜蜜小丸烘乾湯送

胡盧巴 味苦辛氣溫入足陽明胃足少陰腎經泄濕驅寒破癥消疝

胡盧巴苦溫下行水土濕寒治腹脇滿脹寒疝冷瘕囊墜脚腫之證

白荳蔻 味辛氣香入足陽明胃手太陰肺經降脾胃之冲逆善止嘔吐開胸膈之鬱滿能下飲食噎膈可
效痰瘰亦良去睛上翳障消腹中脹疼

白荳蔻清降脾胃最驅膈上鬱濁極療惡心嘔穢嚼之辛涼清肅肺腑鬱煩應時開爽秉秋金之氣古方
謂其大熱甚不然也研細湯沖服

紅荳蔻 味辛氣溫入足太陰脾足陽明胃經治脾胃濕寒痛脹皆消療水穀停滯吐泄俱斷善止霍亂瘧

痢能除反胃噎膈去胸腹之酸穢散山川之瘴癘

紅荳蔻調理脾胃溫燥濕寒開通瘀塞宣導瘀濁亦與草荳蔻無異而力量稍健內瘀極重者宜之上熱

易作鼻衄牙疼之家盡屬中下濕寒膽火不降當溫燥中下候上熱不作而用之去殼研用 紅葦寇即

良薑子與良薑性同

大茴香 味辛微溫入足陽明胃足少陰腎經降氣止嘔溫胃下食煖腰膝消癰疝

茴香性溫下達治水土濕寒腰痛脚氣固瘕寒疝之上品也

香附 味苦氣平入足太陰脾足厥陰肝經開鬱止痛治肝家諸症但肝以風木之氣升達不遂則生風燥

香附降伏之性最不相宜香燥之氣亦正相反庸工香附諸方造作謬妄

萆撥 味辛氣溫入足太陰脾足陽明胃經溫脾胃而化穀煖腰膝而止痛吐泄皆醫疝瘕並效

萆撥辛燥溫煖治水穀不消腸鳴水泄心腹疼痛嘔逆酸心之病甚佳 醋浸焙用萆撥與萆澄茄性味

相同功效無殊皆胡椒類也

藿香 味辛微溫入足太陰脾足陽明胃經降逆止嘔開胃下食煎漱口臭

藿香辛溫下氣善治霍亂嘔吐心腹脹滿之病

香薷 味辛微溫入足陽明胃足太陽膀胱經利水泄濕止嘔斷痢溫胃調中治霍亂腹痛吐痢之證利小

便消水腫止鼻衄療脚氣庸工用之治暑病

萆澄茄 味辛氣溫入足太陰脾足陽明胃經溫燥脾胃消納水穀能止脹痛善除嘔吐

澄茄溫燥之性甚宜脾胃寒濕下氣降濁進食消穀治霍亂吐泄反胃噎膈之病 酒浸炒用形似胡椒

使君子 味甘微溫入足太陰脾足厥陰肝經利水燥土殺蟲止泄燥濕溫中疏木殺蟲治小便白濁大便

泄利痞塊癰瘡 每月上旬取仁數枚空腹食之蟲皆死戒飲熱茶犯之則泄

威靈仙 味苦微溫入足太陰脾足厥陰肝經起癰開痹化癰行痰



威靈仙泄濕驅風行痰逐飲治手頑足痺腰痛膝軟老血夙癥積水停痰虛家並不宜用

白附子

味辛甘性溫入足太陰脾足厥陰肝經驅風泄濕逐癰行痰治中風失音鼻口偏斜耳聾喉癰疥癬癰瘰面上野黯陰下濕癢行痰涎止唾

慈菰

味甘微寒入足太陰脾足厥陰肝經下食消穀止血磨癥催產下衣行血通經

慈菰甘寒通利破產後瘀血開小便淋瀝滑胎下衣妊婦忌食

牽牛子

味甘氣寒入足陽明胃手陽明大腸手太陽小腸足太陽膀胱經逐痰泄水破聚決壅下停痰積

水宿穀堅癥殺蟲泄盡除腫消脹溺癰便結風刺雀斑之症皆醫功力甚猛虛者勿服

去皮研用

何首烏

味甘澹氣平入足厥陰肝經養血榮筋息風潤燥斂肝氣之疏泄遺精最效舒筋脈之拘攣偏枯

甚良瘰癧癰腫皆消崩漏淋漓俱止消痔至妙截瘡如神滋益肝血榮舒筋脈治中風左半偏枯之病甚

佳輔以燥土煖水之味佐以疏木導經之品絕有奇功而不至助濕敗脾遠勝地黃龜膠之類方書謂其

黑髮烏鬚悅顏卻老理頗不虛蓋陰者陽之宅也肝血溫升生化魂神血敗則溫氣亡泄魂神脫矣未有

宮室毀壞而主人無恙者也

何首烏滋肝養血則魂神暢茂長生延年理有必至但宜加以扶陽之藥不可參以助陰之品庸工開以

補陰之明龜地之殺人多矣 米泔換浸一兩天銅刀切片黑豆拌勻砂鍋蒸曬數次上品也

肉蓯蓉

味甘鹹氣平入足厥陰肝足少陰腎手陽明大腸經煖腰膝健骨肉滋腎肝精血潤腸胃結燥凡

糞粒堅小形如羊屎此土濕木鬱下竅閉塞之故穀滓在胃不得順下零星傳送斷落不聯懸陽明大腸

之燥煉成顆粒祕澇難通總緣風木枯槁疏泄不行也一服地黃龜膠反益土濕中氣愈敗矣

肉蓯蓉滋木清風養血潤燥善滑大腸而下結糞其性從容不迫未至滋濕敗脾非諸潤藥可比方書稱

婦人血枯王氏以爲去惡也

薑黃 味甘苦性寒入足厥陰肝經破血化癥消腫敗毒破瘀血宿癥消撲損癰疽止心腹之疼痛平疥癬之初生

地榆 味苦氣寒入足厥陰肝經泄熱清肝涼營止血

地榆苦寒沉降止吐衄便溺崩漏金瘡諸血大凡失血症內寒者多而熱者少庸工以治下焦血病最不通

三七 味甘微苦入足厥陰肝經和營止血通脈行瘀行瘀血而斂新血凡產後經期跌打癰腫一切瘀血皆破凡吐衄崩漏刀傷箭射一切新血皆止血病之上藥也

蒲黃 味甘氣平入足厥陰肝經行瘀止血

蒲黃亦行瘀血而斂新血經產癰疽癥瘕跌撲能破吐衄崩漏痔瘡痢疾鮮血能止調經止帶安胎下乳心腹諸症下衣催生自皆善品

續斷 味苦微溫入足厥陰肝經行血破瘀斂營補損

續斷行瘀血而斂新血崩漏癥瘕癰疽瘰癧淋瀝痔瘡跌打金瘡諸血能止能行有回虛補損接骨續筋之力

大蓟 味苦微溫入足厥陰肝經回失紅行瘀血

大蓟亦行瘀血而斂新血吐衄崩漏癰疽跌打及腸癰血積金瘡蠱毒俱治小蓟性同而力猶薄不能癰癰消腫但破血耳

茜草 味苦微寒入足厥陰肝經通經脈瘀塞止營血流溢

茜草亦行瘀血而斂新血吐衄崩漏跌打損傷痔瘡瘡癰俱治



紫草 味苦氣寒入足厥陰肝經清肝涼血泄火伐陽

紫草疏利涼血活瘀寒胃滑腸痘色紅紫之症緣營閉衛虛不能外達庸工以爲血瘀治以紫草百治百死可惡可惡

三稜 味苦氣平入足厥陰肝經破滯行瘀消積化塊

三稜磨積聚癰瘕善破老血通經利氣下乳墮胎止經產心腹諸病消跌撲損傷諸瘀軟瘡瘍癰腫堅硬
莪朮 味苦辛微溫入足厥陰肝經破滯攻堅化結行瘀

莪朮俗作朮消癰塊破血癥化府藏痼冷散跌撲停瘀通經開閉止痛散結醋炒用

釣藤 味甘微溫入足厥陰肝泄濕清風止驚安悸治木鬱筋惕癱瘓

蒼耳子 味苦微溫入足厥陰肝經消腫開痹泄濕去風治肢節攣痛癰瘰疥癬風瘙癢疹

葉主發散風濕

稀莖草 味苦氣寒入足陰厥肝經止麻木伸拘攣通利關節驅逐風濕瘡瘍癰腫服塗皆善 研末熱酒

冲服治疔瘡腫毒汗出則愈不可治中風

羌活 味苦氣平入足厥陰肝經通關逐痹發表驅寒泄濕除風治中風痛痺喎斜關節攣痛皮膚瘙癢癰

疽疥癩諸病獨活性同

天麻 味辛微溫入足厥陰肝經通關透節泄濕除風治中風痛痺癱瘓腰膝牽強手足拘攣之症兼消壅

腫

荆芥 味辛微溫入足厥陰肝經散寒發表泄濕除風治鼻口喎斜肢體癱瘓筋節攣痛目眩頭旋之症消

瘡瘕疥癩痔瘻瘰癧除吐衄崩漏脫肛陰癰

秦芫 味苦氣平入足厥陰肝經發宣經絡驅除風濕治中風癱瘓濕家筋攣骨痛黃疸之症

菊花 味甘氣平入足厥陰肝經清風止眩明目去翳

菊花清利頭目治頭目疼痛眩暈之症庸工凡治頭目無不用之今古相承不見其效不知頭目眩暈由濕盛上逆濁氣充塞相火失根升浮旋轉而成愚妄以爲頭暈而用發散之藥此十試不靈之方也

青箱子 味苦微寒入足厥陰肝經清肝泄熱明目驅風治眼病赤腫紅翳青盲此庸工習用之藥

穀精草 味苦微溫入足厥陰肝經明目清風去翳消障

穀精草苦溫發散庸工治頭痛目翳之證謂其能愈頭風愚妄極矣

木賊草 味苦微溫入足厥陰肝經明目退翳清風止崩

木賊草磨翳清障除漏止崩解肌發汗與麻黃同性平瘡瘍腫硬吐風狂痰涎治癰疽瘰癧疔毒結腫

斑粉萍崩中赤白諸症

沙參 味甘微苦入手太陰肺足少陰腎經清肺金生腎水滌心胸之煩熱涼頭目之鬱蒸癰癧斑疹並效

鼻瘡喉痹皆醫

沙參清金補水凡瘡瘍熱痛胸膈燥渴便紅瀉膀胱癰閉之證俱善清肺與陳皮杏仁同服利水合茯苓澤泄同服輕清飄洒不寒中氣最佳之品

茅根 味甘微寒入手太陰肺足太陽膀胱經清金止血利水通淋

白茅根清金利水歛血通經治喘噦煩渴吐衄崩漏經閉溺瀉水腫黃疸初生茅針止衄血便血收金瘡

流血消腫敗毒下水潰癰疽煎服一針潰一孔二針潰二孔 花止吐血金瘡流血上品也

蘆根 味甘性寒入手太陰肺足陽明胃經降逆止嘔清熱除煩